

## Band IX., Nr. 3678, Seite 165-166

*Der Minorit Peter von Zwiefalten vergleicht das Kloster Zwiefalten mit dem Ritter Konrad von Grünigen und seinen Kindern über verschiedene Streitpunkte.*

Riedlingen, 1287. November 14.

Ich bruder Peter von Zvivultim der Minrenbrüder ordins tûn kunt an disem brive allen den, die in lesent alder horent lesen, daz der crieg, der ufgestanden was zwisshen den erberen herrun von gotes genadun herren Eberhart dem abbete und dem convente des closters Zvivultûn und dem erberen ritter herren Cunrat von Grünign und sinen kinden, abgelait ist von mir, wan ez baidinthalp an mich gelazen wart. §<sup>1</sup> Das erste ist: swaz vorte alder werche da vintlich zwisshen in geshen were, daz sie des gûte fer[u]nde weren und sien. § Daz ander ist: swaz da von mir geshaiden wrde, daz des herre Cûnrat der vor genante vûr siniu kint und ander sine ferunde wer sie. § Daz dritte ist: daz daz holz ze Mergesigen, daz die von Anmerchigen mangiu jar hatun besezen und mit undergangen beheptun und dem vor genanten closter Zvivultûn ze choufende gaben und daz ouch daz selbe closter mit undergangen behabet hat, daz daz der vor genant abbete und sin samenunge frilich und aigenlich besizen sulen. § Daz fierde ist: swaz gemain merches ze dem selben dorfe ze Mergesigen horet, daz daz weder gerutet noch gehûen sol werden ane ir baidir willen und wizzende, ob aber daz geshihet an ir willen und wizzende, so sol diu langarbe an ir gemainen nutze vallen der kirchun und an wege und an stege. § Daz fiunfte ist: daz diu ehaftie und daz reht, daz die von Anmerchigen ze dem selben dorfe ze Mergesigen besezen hatun, daz sol daz vor genante closter immer me frilich besizen. § Daz sehste ist: daz die vor genanten herre Cûnrat von Grünigen und siniu kint den abbete und daz closter niht irren sulen an dem gûte der frown von dem closter ze Offenhusen, daz ze dem selben dorfe lit, sie haben ez gechoufet alder sie wellen ez noch choufen. Dar uber hat der vor genant abbet und sin samenunge manger hande shaden gecleget gein Hainrih, des selben herren Cûnrades sun, dar umbe er jach, daz er ze banne und ze ahte were getan. Ob daz war were, so sol der vor gesprochen abbet im ane allen shaden da von helfen. Dar uber was ain crieg umbe die langarbe des gemain merches, die der abbete und daz selbe closter hatun genomen, diu sol in beliben, diu aber dennoch da zegaen was, diu sol Hainrih, des selben herren Cûnrades sun, beliben und da

<sup>1</sup>Die Urkunde hat das gleiche Zeichen.

## II

nah dechainiu me. Und daz daz stete belibe, swaz ich mit diesem brieve vor geurkundet han, so han disen selben brief mit minem insigel besigelet und gevestenet ze ainem ganzen urkunde. Hie zû waren beidinalbe ze geziugen gelatte: die edelen herren grave Cûnrat und grave Eberhart von Landowe, herre Berhtolt der ritter von dem Staine, Reinhart und Berhtolt sine sune, Cûnrat der voget von Merengen, Otto Kaibe, Otte Ranze, Peter von Hornstain, Walter von Phlumeren, Ulrich der Hergeselle, Albereht von Butilshiez, Ulrich von Andilvigen, Cûnrat der Shade, Rûd. von Grünigen, Hanrih der Chemphephaffe, Manegolt, Hiltebolt der amman, Walter der Clingeler, Hanrih der swertfurbe, Hanrih sin sun, Johannes der gerver, Walter der sulzer, Burchart der tontirner und anderre vil erberre lute.<br> <br> Diz beshach in der stat ze Rûdeligen, an dem nehsten fritage vor sant Othmars tage, in dem jare, do von gotes geburte waren tusent zwaihundert ahzige und siben jar.

—

## Überlieferung und Publikationen

### Lagerort:

HStA Stuttgart

### Signatur/Titel des Originals:

B 551 U 822

### Überlieferung und Textkritik:

Vidimus der Stadt Mengen von 1288 Februar 11 - März 28. Vgl. die lateinische Urkunde von 1286 November 15, Urkunde Nr. 3577 (WUB, Bd. IX, S. 106-107).

## Weitere Angaben

### Sprache:

Deutsch

### Ausstellungsort:

Riedlingen

### Ortsindex:

Andelfingen Wohnplatz (17334)<br> Andelfingen, Langenenslingen, BC<br> Bittelschieß Wohnplatz (21127)<br> Bittelschieß, Krauchenwies, SIG<br> Emerkingen Wohnplatz (16806)<br> Emerkingen, UL<br> Grüningen Wohnplatz (17484)<br> Grüningen, Riedlingen, BC<br> Hornstein Wohnplatz (21053)<br> Hornstein, Bingen, SIG<br> Landauhof : Binzwangen, Ertingen BC<br> Landauhof Wohnplatz (17266)<br> Mengen Wohnplatz (21164)<br> Mengen, SIG<br> Möhringen Wohnplatz (17710)<br> Möhringen, Unlingen, BC<br> Mörsingen Wohnplatz (16025)<br> Mörsingen, Zwiefalten, RT<br> Offenhausen Wohnplatz (15854)<br> Offenhausen, Gomadingen, RT<br> Pflummern Wohnplatz (17486)<br> Pflummern, Riedlingen, BC<br> Rechtenstein Wohnplatz (16926)<br> Rechtenstein, UL<br> Riedlingen Wohnplatz (17487)<br> Riedlingen, BC<br> Zwiefalten Wohnplatz (16028)<br> Zwiefalten, RT